



古今辭命遠文



命達

一



古今辭命達引



辭命古有國者之所不釋



也有其修之非誠則業無

繇居非文則行無繇遠夏

商以前吾雖不得而攷鏡

然入周季子產叔向輩詒
書致規遂爲後世往復達
函之祖以迄裴筠四業
明興翰墨愈紛如漸將冗
不可治而選政於是乎尊

取諸典取諸麗取諸韻以
雋要不過式於文焉而止
余歷任南都與胡氏昆仲
爲道誼交習知其孝友爲
政凡敦剴劂亦皆裨益夫



名教今復舉古今辭命而
拔其尤顏之曰達以行世
言不中乎理不謂達也辭
不適於用不謂達也比於
情遠於性因刺鑿於先王
接言之道達其所達是終
不謂達也昔諸葛武侯丁
漢之末造初未嘗欲以文
章名世而其所爲表先正
尚稱其簡而盡真而不肆

古今圖考卷之四
與伊訓說命相表裏則知
離忠孝節誼固無所謂文
章也易曰修辭立其誠惟
誠也茲其所以達也言之
文行之遠駿駿乎其幾於

道矣選言而原本於道德
卽三代之渾噩不能遽還
亦足以覘其意之所存而
卜其功之所及

崇禎己卯孟冬日

古今辭命選
宗師內江范文英題



古今辭命達白
尺牘者辭命之流孔子于爲命取鄭四臣于
辭曰達而已矣又曰我于辭命則不能所
重可知故其爲用在于抒情愔切事理通
達靡間而止無取于浮譚蔓語爲茲所集
一本于是凡有裨于身心家國有關於綱
常名教者亟羅致之卽論及一人一物一
材一藝以至一山一水間亦不遺期于可

古今圖書集成
典。可。觀。且。可。多。識。非。屬。無。謂。

從來諸選濫觴極矣。惟尺牘清裁。經楊升菴

王鳳洲王觀濤三公手訂者。于諸選特優。

故是集採做獨多。時代炤分先後。而國

朝取居其半。所以尊今。亦可以論世云。

集中所錄。惟當于用。勿論其人。亦有因人而

入。過錄者。若蘇若黃。均有道氣。各自擅場。而

古今圖書集成
朱王羅高衆儒先善言德行時。于此中說。

法。不得不詳拈示。毋作尺牘泛泛讀過。

是役揆尋未徧。刪汰尤苛。不無挂漏之嘲。然

嘗鼎一臠。可知全味。猶俟來茲。別爲續集。

古今辭命達目次

卷之一

春秋戰國

詒公孫子產

羊舌肸

荅晉叔向肸

鄭公孫僑

為豐施歸州田於韓宣子

再歸州田

公孫黑如

復楚公子圍

鄭子羽

謝晉

戒子

公孫黑肱

奉麋獻晉

附射麋獻楚

晉魏錡

辭楚卿

陳敬仲

告晉叔向

衛屠伯

請成越王

吳王夫差

遺文種

范蠡

辭越王

與樂毅

燕惠王

告程本

趙使者

對趙簡子

程本

荅趙簡子

與張儀蘇秦

鬼谷子

西漢

敕太子

漢高祖

古今事考 卷一 目次
又太子

西文

又謝繭秦

賜鼂錯

報李廣

賜楊樸

報公孫弘

賜燕王

報趙充國

又

遺張良

與友人

與卜式風

荅牂牁盛覽

與公孫弘二

與江都王女弟

冀高顯

良谷子

文帝

武帝

燕惠王

昭帝

宣帝

赤松子

東方朔

嚴助

司馬相如

鄒長倩

魯恭王后

與摯伯陵

司馬遷

報司馬子長

摯峻

報李陵

蘇武

辭右扶風

丘訢

與某公

張敞

與子琳

孔臧

誠子

劉向

報元帝

王嬭

為兄上書

班超

謝王鳳

谷永

荅桓生借老莊

班嗣

荅桓譚

楊雄

辭隗囂

方望

東漢

與嚴子陵

光武帝

賜馮異璽書

賜侯霸

敕岑彭

東與諸將

與蓋延

報馮異

與鄧禹

讓劉尚

與東平王蒼

明帝

示百官

與東平王蒼

章帝

與諸王子

明德皇后

與從兄康等

和熹鄧后

荅侯霸

嚴子陵

上隗囂

申屠剛

與行脚僧

西竺千歲僧

與馬援

杜林

與官屬

馬援

誠兄子

西

遺馬融

高彪

與竇伯尚

報

與馬續

梁商

與李文篤

延篤

徙朔方上書

蔡邕

辭郡辟

遺申屠蟠

黃忠

與弟固

李固

與兄子

趙嘉

與竇玄妻

竇玄妻

報妻

秦嘉

報嘉

徐淑

寄子元珪季珪

杜泰姬

與高文惠

文惠妻

古今圖書集成
卷一百一十五
與邴原惠

孔融

戒子示其季子

司馬徽

三國嘉話

余

荅孫權

蜀漢昭烈

與關雲長

諸葛武侯

與兄瑾

蘇

又與

李

與留府長史參軍

黃

與蔣琬

宋

與張魯

張

與陸遜

張

與張裔

曹

與杜微

張

誠外甥

誠子

報曹操

漢壽亭侯

謝操

辭操

荅張文遠

代諸葛亮與孫權

與諸大夫

與所親

臨終與孔明

與蜀太守王商

與秦宓

荅王商

又

與後主書

與鍾繇九日送菊

與諸葛孔明

與山濤

謝李

馬良

曹操

張裔

馬謖

宋仲子

王商

秦宓

姜維

魏文帝

司馬仲達

司馬子上

曹植

荅司馬懿

魏田豫

謝魏王

劉廙

上父

張就

荅韓文憲

應璩

與曹昭伯

吳孫權

與曹孟德

張紘

與孔融

虞翻

與弟

陸遜

與客

魯肅

與人

周瑜

與滕胤

皇象

醴梅帖

聶友

晉與友人論草書

參之臨終與孫權

陸遜

與漢昭烈

魯肅

與全琮

陸遜

誠子

杜恕

與兄

陸景

卷之二

晉與友人論草書

與諸葛恢

明帝

與江統

司馬越

與弟

羊祜

與從子預

杜有道妻

答吳國

鈕滔母

與妹劉氏

徐藻妻陳氏

與兄弟

女淑

與石勒

劉琨

與親故

答劉琨

石勒

與祖逖

薦傅長虞

孫楚

與兄機

陸雲

責子

陶侃母湛氏

與王導

陶侃

荅庾亮

與荀松

荅甘卓

與顧榮

與國臣

報孔垣

與王導

與支遁

與子

又

與桓秘

荅郝超

奏記詣蔣公

阮藉

習鑿齒

道安

庾亮

陳頽

謝安

陶潛

張翰

衛瓘女

古今歸命通
與王逸少公

殷浩

答殷浩

王羲之

與殷浩

殷浩

與吏部郎謝萬

又

謝萬

與周益州

周益州

又

周益州

答周益州

周益州

送印竹杖

印竹杖

石脾

石脾

問行帖

無名氏

與兄子猷

王獻之

答索商

張天錫

與道明

袁粲

六朝

袁粲

與宋高祖

劉義柳

與王玄謨

劉義恭

六與弟

謝靈運

答辛中舍

法琳

理彭城王上文帝

扶天令

與江湛

王微

賜張融

齊高祖

辭饋遺

江革

答王僧虔

蕭子良

與劉孝標

劉之遴

答吳興守張永

沈麟士

與寧文泰

賀拔勝

遺張融

陸靜修

與從叔永

張融

臨終戒子

答魚復侯

宗大測

與王僧虔

檀珪

戒子

徐勉

上梁武帝

傅大士

與從兄

陶弘景

荅趙英才

荅謝中書

與朱元思

吳均

與何炯

劉孝標

遺郎基

潘子義

謝趙王賚雉

庾信

與玄覺大師

郎禪師

唐

與博昌父老

駱賓王

招裴廸秀才

王維

與馮宿

韓愈

與崔羣

荅楊子

應科舉與人

與蕭俛二

柳宗元

與孟簡

吳武陵

荅刺史杜之松

王勣

荅王勣

杜之松

與祖評事

任華

與王及

元顥結

與友論養生

張說

寄李翱

裴中立

上代宗

張巡

賀安祿山死

高適

與子弟示李

顏真卿

與李文夫

荅賀秀才

孫樵

甲秀堂帖

李白

荅張生

崔氏

訓子主

徐媛

與元九詩

白居易

又賈秀才

蘇軾

又李文夫

蘇軾

謝友人示李陵泣別

王真章

遺朱全忠

劉守文

上外宗

蘇軾

寄李晦

蘇軾

古今辭命達卷一



內江 范文英

訂定

胡正心 纂輯

海陽

胡正言 叅正

春秋戰國

詒公孫子產

羊舌肸

始吾有虞於子。今則已矣。昔先王議事以制。不為刑辟。懼民之有爭心也。猶不可禁禦。是故閑

之以義。糾之以政。行之以禮。守之以信。奉之以仁。制爲祿位。以勸其從。嚴斷刑罰。以威其淫。懼其未也。故誨之以忠。聳之以行。教之以務。使之以和。臨之以敬。蒞之以強。斷之以剛。猶求聖哲之上。明察之官。忠信之長。慈惠之師。民於是乎可任使也。而不生禍亂。民知有辟。則不忌於上。並有爭心。以徵於書。而徼倖以成之。弗可爲矣。夏有亂政。而作禹刑。商有亂政。而作湯刑。周有亂政。而作九刑。三辟之興。皆叔世也。今吾子相鄭國。作封洫。立謗政。制參辟。鑄刑書。將以靖民。不亦難乎。詩曰。儀式刑文王之德。日靖四方。又曰。儀刑文王。萬邦作孚。如是何辟之有。民知爭端矣。將棄禮而徵於書。錐刀之末。將盡爭之。亂獄滋豐。賄賂並行。終子之世。鄭其敗乎。臧聞之。國將亡。必多制。其此之謂乎。子產鑄刑書於

鼎。故遺。亦曰。報。

答晉叔向牒

鄭公孫僑

若吾子之言。僑不才。不能及子孫。吾以救世也。既不承命。敢忘大惠。子之世。獲其報。平報。聞之。歸。矣。爲豐施歸州田於韓宣子。未報。盡。平之。加。日。君以夫公孫段。爲能任其事。而賜之州田。今無祿早世。不獲久享君德。其子弗敢有。不敢以聞於君。私致諸子。

再歸州田

古人有言曰。其父析薪。其子弗克負荷。施將懼不能任其先人之祿。其况能任大國之賜。縱吾子爲政。而可。若屬有疆場之言。敝邑獲戾。而豐氏受其大討。吾子取州。是免敝邑於戾。而建置豐氏也。敢以爲請。

復楚公子圍

鄭子羽

以敝邑褊小。不足以容從者。請墾聽命。公子

圍娶于鄭。欲因婚禮。褻甲入城。以圖襲鄭。故

復之。于獲於國。欲甄暴甲人。以圖變。復之。

以謝晉。小不。足以容。於。昔。請。舉。魏。命。公。于。

拜君之勤。鄭國微君之惠。楚師其猶在。敝邑之。

城下。也。如。以。為。請。也。公。孫。黑。肱。

九。受。戒。子。持。晉。子。如。此。是。與。魏。也。公。孫。黑。肱。

吾聞之。生於亂世。貴而能貧。民無求焉。可以後。

亡。敬恭事君。與二三子。生在敬戒。不在富也。

古。人。奉。麋。獻。晉。又。林。蔭。其。子。也。其。貧。楚。攝。叔。

以歲之非時。獻禽之未至。敢膳諸從者。

附射麋獻楚。晉魏錡

子有軍事。獸人無乃不給于鮮。敢獻于從者。

此二辭。皆六月獻麋語也。貌似而品格懸絕。

前辭。歲之非時。則六月也。射禮當獻麋。故以。

獻禽未至而奉焉。一字不可易。後辭。套語耳。

淺語耳。酸語耳。射禮當獻麋之惠。出。魏。也。

辭齊卿。陳敬仲

羈旅之臣。幸若獲宥。及於寬政。赦其不閑於教。訓而免於罪戾。弛於負擔。君之惠也。所獲多矣。敢辱高位。以速官謗。請以死告。

告晉叔向

衛屠伯

諸侯事晉。未敢攜貳。况衛在君之宇下。而敢有異志。芻蕘者。異於他日。敢請之。

平丘之會。晉

羊舌鮒。欲得衛賂。淫芻蕘者。故告。

請成越王

吳王夫差

孤臣夫差。敢布腹心。異日常得罪於會稽。夫差不敢逆命。得與君王成以歸。今君王舉玉趾而誅孤臣。唯命是聽。意者亦欲如會稽之赦。孤臣之罪乎。

遺文種

范蠡

吾聞天有四時。春生秋伐。人有盛衰。泰終必否。知進退存亡。而不失其正。惟賢人乎。蠡雖不才。明知進退。高鳥已散。良弓將藏。狡兔已死。良犬

就烹夫越王爲人長頸鳥喙。可以共患難。而不
可共處樂。可與履危。不可與安。子何不去。
臣聞主憂臣勞。主辱臣死。昔者君王辱於會稽。
所以不死者。爲此事。今恥已雪矣。臣請從會稽
之誅。
先王舉國而委將軍。將軍爲燕破齊。報先王之
讐。天下莫不振動。寡人豈敢一日而忘將軍之
功哉。會先王棄羣臣。寡人新卽位。左右誤寡人。
寡人之使騎劫代爲將軍。久暴露於外。故召將
軍且休計事。將軍過聽。以與寡人有隙。遂捐燕
而歸趙。將軍自爲計亦可矣。而亦何以報先王
之所以遇將軍之意乎。

告程本

趙使者

寡大夫且有緒言。使下臣敬致諸執事。唯是晉

國之寵靈。願與先生共之。先生不違。勤而貺以
行。請祿從者。以爵執圭。

對趙簡子

程本

臣也不武。年運而往矣。顛毛種種。懼不任君之
事。以爲司敗憂。

答趙簡子

主君之亡。臣某不能束修。越在諸侯。以爲主君
憂。臣聞之物。扁於所甘。士扁於所守。主君之亡。

臣不佞而有四方之志。其敢以爲執事者之所
辱。夫丘陵崇而穴成於上。狐狸藏矣。谿谷深而
淵成於下。魚鱉安矣。松柏茂而陰成於材。塗之
人則蔭矣。主君之亡。臣不佞實有隱衷。唯執事
者昭明其所存。如日月之升。以光燭於晉國。將
四海之士。重繭狎至。以承主君之令聞。夫豈唯
亡臣。雖復野死。以寘溝壟。其敢忘主君之賜。唯
執事者財幸焉。

與張儀蘇秦

鬼谷子

二足下功名赫赫。但春華至秋。不得久茂。今二子好朝露之榮。忽長久之功。輕喬松之永延。貴一旦之浮爵。夫女愛不極。席男歡不畢。輪痛哉。入鬼谷子。隱居穎川陽城之鬼谷。因以自號。

西漢

救太子

漢高祖

吾遭亂世。當秦禁學。自以為讀書無益。洎踐位

以來。時喜省書。乃知作者之意。追思夙昔所行。多不是。汝曹力勉之。

家常話甚得體。彌朴彌

真。辭命纔入漢。已不覺賞心矣。文。

又

吾生不學書。但讀書問字。而遂知耳。以此故。不大工。然亦足自辭解。今視汝書。猶不如吾。可勤學習。每上疏。宜自書。勿使人也。

又

汝見蕭曹張陳諸公侯吾同時人倍年於汝者
皆拜并語於汝兄弟
又
吾得疾遂困以如意母子相累其餘諸兒皆自
足立哀此兒猶少也

賜鼂錯

文帝

問太子家令上書言兵體三章聞之書言狂夫
之言而明主擇焉今則不然言者不狂而擇者
不明國之大患故在於此使夫不明擇於不狂
是以萬聽而萬不當也

報李廣

武帝

將軍者國之爪牙也司馬法曰登車不式遭喪
不服故怒形則千里誅威震則萬物伏夫報忿
除害捐殘去殺朕之所圖於將軍也若乃免冠
徒跣稽顙請罪豈朕之指哉將軍其率師東轅
彌節白檀以臨右北平

賜楊樸

將軍之功，獨有破石門，尋陘，非有斬將搃旗之實也。受詔不至蘭池宮，明日又不對，假令將軍之吏問之，不對，令之不從，其罪何如？今東越深入，將軍能率眾以掩過不。

報公孫弘

君不幸罹霜露之疾，何恙不已。乃上書歸侯乞骸骨，是章朕之不德也。今事少閒，君其存精神。

止念慮，輔助醫藥。

賜燕王

昭帝

王骨肉至親，敵吾一體，迺與它姓異族，謀害社稷，親其所疎，疎其所親。如使古人有知，當何面目復奉齋，酌見高祖之廟乎。

齋，潔也。酌，酒名。

報趙充國

宣帝

制誥後將軍，聞苦脚脛寒泄，將軍年老加疾，一朝之變不可諱，朕甚憂之。今詔破羌將軍詣屯。

所爲將軍副。急因天時大利，吏士銳氣，以十二月擊先零羌，卽疾劇，留此勿行，獨遣破羌平虜將軍。

又

皇帝問後將軍，言欲罷騎兵萬人留田，卽如將軍計，虜當何時伏誅，兵當何時得決，孰計其便。

復奏

孰，熟同。

遺張良

赤松子

大匏不琢，至樂希聲。智者極慮，拙者享焉。漢王爲人陰刻，驩不畢輪，寧爲福先，勿爲禍始。子盍慎之。

與友人

東方朔

不可使塵網名韁拘鎖，怡然長咲，脫去十洲三島，相期拾瑤草，吞日月之光華，共輕舉耳。

與卜式

嚴助

東方生言，雖駭俗，顧翩翩朗爽，令人欲仙。九垓

八埏之外疑真有羽化人也。

荅牂牁盛覽

司馬相如

詞賦者合綦組以成文。列錦繡而爲質。一經一緯。一宮一商。此賦之迹也。賦家之心。包括宇宙。總覽人物。斯乃得之于內。不可得而傳。

與公孫弘二

鄒長倩

山川阻修。加以風露。次卿足下。勉作功名。竊在下風。以俟嘉譽。

夫人無幽顯。道在則尊。雖生芻之賤也。不能脫落。君子故贈君生芻一束。詩所謂生芻一束。其人如玉。五絲爲緝。倍緝爲升。倍升爲緘。倍緘爲紀。倍紀爲纓。倍纓爲綖。皆自少之多。士之立功勳。效名節。亦復如之。勿以小善不足。修而勿爲也。故贈君素絲一綖。撲滿者。以土爲器。以蓄錢具。其有入竅而無出竅。滿則撲之。士有聚斂而不能散者。將有撲滿之敗。可不戒歟。故贈君撲

滿一枚。

與江都王女弟

魯恭王后

國中口語籍籍。慎無復至江都。

與摯伯陵

司馬遷

遷聞君子所貴乎道者三。太上立德。其次立功。其次立言。伏惟伯陵材能絕人。高尚其志。以善厥身。冰清玉潔。不以細行荷累其名。固已貴矣。然未盡太上之所由也。願先生少致意焉。

報司馬子長

摯峻

峻聞古之君子。料能而行。度德而處。故悔吝去于身。利不可以虛受。名不可以苟得。漢興以來。帝王之道。于斯始顯。能者見利。不肖者自屏。此其時也。周易大君有命。小人勿用。徒欲偃仰從容。以送餘齒耳。

報李陵

蘇武

足下才為世英。器為時出。語曰。夜行被繡。不足

爲榮。况于家室孤滅。棄在絕域。衣則異制。食味不拘。棄捐功名。雖尚視息。與亡無異。向使君服節死難。書功竹帛。傳名千代。茆土之封。永在不朽。不亦休哉。嗟乎李卿。事已去矣。失之毫釐。差之千里。將復何言。

辭右扶風

丘訢

明府欲臣訢耶。師訢耶。明府所以尊寵人者。極于功曹。所以榮祿人者。已于孝廉。一極一已。皆

訢所不用也。

已。止也。

與某公

張敞

蒼蠅之飛。不過十步。自託騏驥之尾。乃騰千里路。然無損于騏驥。使蒼蠅絕羣也。

與子琳

孔臧

告琳。頃來聞汝諸友。生講肄書傳。孜孜晝夜。行衍不怠。善矣。人之進退。惟問其志。取必以漸。勤則多得。山澗至柔。石爲之穿。蠲蟲至弱。木爲之

弊豈非漸之致乎。

誠子

劉向

汝非有厚德。蒙恩甚厚。將何以報。董生有云。弔者在門。賀者在閭。言有憂則恐懼。敬事。敬事則必有善功。而福至也。又曰。賀者在門。弔者在閭。言受福則驕奢。驕奢則禍至。故弔隨而來。齊頃公之始。藉霸者之餘威。輕侮諸侯。虧跋蹇之容。故被鞏之禍。遁服而亡。所謂賀者在門。弔者在閭也。丘敗師破。人皆弔之。恐懼自新。百姓愛之。諸侯皆歸其所奪邑。所謂弔者在門。賀者在閭也。跋蹇。畏懼貌。鞏。地名。與晉戰而敗。

報元帝

王嬙

臣妾幸得備員禁巒。謂身依日月。死有餘芳。而失意丹青。遠竄異域。誠得捐軀報主。何敢自憐。獨惜國家黜陟。移于賤工。南望漢關。徒增愴結。耳有父有弟。惟陛下幸少憐之。

爲兄上書

班昭

妾同產兄西域都護定遠侯超，幸得以微功爵列通侯。超之始出，志捐軀命，賴蒙陛下神靈，且得延命沙漠。至今積三十年，骨肉生離，不復相識。相隨士卒，皆已物故。超年最長，今且七十，衰老被病，雖欲竭盡其力，以報塞天恩，迫于歲暮，犬馬齒索，蠻夷之性，悖逆侮老，而超旦暮入地，久不見代，恐開奸宄之源，生逆亂之心。如有卒

暴超之氣力，不能從心。上損國家累世之功，下棄忠臣竭力之用，誠可痛也。超有書與妾生訣，恐不復相見，妾誠傷超以壯年竭忠孝于沙漠，疲老則便捐死于曠野，誠可哀憐。如不蒙救護，超後有一旦之變，冀幸超家得蒙趙母衛姬先請之貸。超自以久在絕域，年老思土，十二年

上疏曰：臣聞太公封齊，五世葬周。狐死首丘，伏馬依風。夫周齊同在中七千里之間，况于

遠處絕域。小臣能無依風首丘之思哉。臣超
犬馬齒衰。不敢望到酒泉郡。但願生入玉門
關。謹譴子勇。隨獻物入塞。及臣生在。令男目
見中土。而超妹同郡曹壽妻昭。亦上書請。

謝王鳳

谷永

永斗筭之材。質薄學朽。將軍悅其狂言。擢之皂
衣之吏。廁之賓朋之末。不聽浸潤之譖。不食膚
受之愬。雖齊桓晉文。用士篤密。察父哲兄。覆育
子弟。誠無以加。昔豫子吞炭。壞形以刺趙。齊客
隕首公門。以報恩。智氏孟嘗。猶有死士。何況將
軍之門。

荅桓生借老莊

班嗣

若夫嚴子者。絕聖棄智。修生保真。清虛澹泊。歸
之自然。獨師友造化。而不爲世俗所役者也。不
絪聖人之網。不躡驕君之餌。蕩然肆志。談者不
得而名焉。故可貴也。今吾子已貫仁義之羈絆。

繫名聲之韁鎖。伏周孔之軌躅。馳顏閔之極摯。既繫孿于世教矣。何用大道爲自眩曜。昔有學步于邯鄲者。曾未得其彷彿。又復失其故道。遂匍匐而歸耳。恐似此類。故不進。嚴子。卽莊子者之門。

荅桓譚

楊雄

辭隗囂

方望

范蠡收責。句踐乘扁舟於五湖。荅犯謝罪。文公亦逡巡於河上。夫以二子之賢。勒名兩國。猶削跡歸愆。請命乞身。望之無勞。固其宜也。望聞烏氏有龍池之山。微徑南通。與漢相屬。其旁時有奇人。聊及閒暇。廣求其人。願將軍勉之。

東漢

與嚴子陵

光武皇帝

古大有爲之君，必有不召之臣。朕何敢臣子陵哉。惟此鴻業，若涉春冰。譬之瘡痍，須杖而行。昔綺里不少高皇，奈何子陵少朕也。箕山潁水之風，非朕之所敢望。

賜馮異璽書

始雖垂翅回谿，終能奮翼澠池。可謂失之東隅，收之桑榆。聞吏士精銳，水火不避。購賞之賜，必不令將軍負丹青失斷金也。垂翅喻敗，奮翼

喻勝東隅，日出處，桑榆日入處，丹青謂功斷金謂利。

賜侯霸侯司徒兩遭此等

崇山幽都，何可偶黃鉞。一下無處所。

敕岑彭

西城若下，便可將兵南擊蜀虜。人心苦不足，旣平隴，復望蜀。每一發兵，頭須爲白。須鬚同晚

年閉玉關，謝西域，此可窺其倪矣。

與諸將

吾常以龐萌社稷之臣、將軍得無咲其言乎、老賊當族、其各屬兵馬、會睢陽、

與蓋延

龐萌一夜反畔、相去不遠、營壁不堅、殆令人齒、欲相擊、而將軍有不可動之節、吾甚美之、
齒

欲相擊、言戰栗也、

報馮異

將軍之于國家、義為君臣、恩猶父子、何嫌何疑、而有懼意、

與鄧禹

赤眉無穀、自當來降、吾折捶笞之、非諸將憂也、

讓劉尚

城降三日、吏人從服、孩兒老母、口以萬數、一旦放兵縱火、聞之可為酸鼻、尚宗室子孫、嘗更吏職、何忍行此、仰視天、俯視地、觀放麀、啜羹、二者、

孰仁良失。斬將弔民之義也。

與東平王蒼

明帝

辭別之後。獨坐不樂。因就車歸。伏軾而吟。瞻望永懷。實勞我心。誦及采菽。以增歎息。

示百官

羣僚所言。皆朕之過。人寃吏黠。不能禁。而輕用人力。繕修宮宇。出入無節。喜怒過差。昔應門失守。關雎刺世。飛蓬隨風。微子所歎。永覽前戒。竦然兢懼。後恐薄德。久而致怠耳。

與東平王蒼

章帝

骨肉天性。誠不以遠近爲親疎。然數見顏色。情重。昔時念王久勞。思得還休。欲署大鴻臚。奏不忍下筆。顧授小黃門。中心戀戀。惻然不能言。

與諸王子

明德皇后

吾前過濯龍門。見外家問起居。車如流水。馬如遊龍。亦不加譴怒。但絕其歲用。冀以嘿止。謹耳。

后馬援妹

與從兄康等

和熹鄧后

今末世貴戚食祿之家。温衣美飯。乘堅驅良。而面精學術。不識臧否。斯固禍敗所從來也。永平中。四姓小侯。皆令入學。所以矯俗厲薄。反之忠孝。先公既以武功書之竹帛。兼以文德教訓子孫。故能束修。不觸羅網。誠令兒曹。上述祖考。休烈。下念詔書本意。則足矣。其勉之。

荅侯霸

嚴子陵

君房足下。位至鼎足。甚善。懷仁負義。天下悅。阿諛順旨。要領絕。

上隗囂

申屠剛

璽書數到。欲與將軍共同吉凶。布衣相與。尚有沒身不負。然諾之言。况于萬乘者哉。今何畏何利。久疑如是。卒有非常之變。上負忠孝。下愧當世。誠願反覆愚老之言。

與行脚僧

西竺千歲僧

三峨高出五岳。秀甲九州。震旦國第一山也。

與馬援

杜林

將軍內施九族。外有賓客。望恩者多。林父子食祿。祿常出有餘。今奉錢五萬。

與官屬

馬援

吾從弟少游。常哀吾慷慨多大志。曰士生一世。但取衣食裁足。乘下澤車。御款段馬。爲羣掾吏。

守墳墓。鄉里稱善人。斯可矣。致求羸餘。但自苦耳。當吾在浪泊西里間。虜未滅之時。下潦上霧。毒氣薰蒸。仰觀飛鳶。跼跼墮水中。臥念少游平生時語。何可得也。非自悔退意。正以寫其百折不挫之英槩耳。

誠兄子

吾欲汝曹聞人過失。如聞父母之名耳。可得聞。而口不可得而言也。好議論人長短。妄是非正。

法。此吾所大惡也。寧死。不願子孫有此行也。汝曹知吾惡之甚矣。所以復言者。施衿結襦。申父母之誠。欲使汝曹不忘之耳。

遺馬融

高彪

承服風問。從來有年。故不待介者而謁。大君子之門。冀一見龍光。以敘心腹之願。不圖遭疾。幽門莫啓。昔周公旦。父文兄武。九命作相。以尹華夏。猶揮沐吐餐。垂接白屋。故周道以穰。天下歸德。公養疴傲士。故其宜也。

與竇伯尚

孟陵奴來。賜書見手跡。歡喜何量。次于面也。書雖兩紙。紙八行七字。七八五十六字。一十二言耳。

與馬續

梁商

中國安寧。忘戰日久。良騎野合。交鋒接天。決勝當時。戎狄之所長。而中國之所短也。疆弩乘城。

堅營固守以待其衰。中國之所長。而夷狄之所短也。宜務先所長以觀其變。設購開賞。宜示反悔。勿貪小以亂大謀。

與李文篤

延篤

吾嘗昧爽櫛梳。坐于客堂。朝則誦虞夏之書。歷公旦之典禮。覽仲尼之春秋。當此之時。不知天之爲蓋。地之爲輿。慎勿迷其本。棄其生也。

徙朔方上書

蔡邕

既到徙所。乘塞守烽。職在望候。憂怖焦灼。無心復能操筆成草。致章闕廷。

辭郡辟

申屠蟠稟氣玄妙。性敏心通。喪親盡禮。幾于毀滅。至行美誼。人所鮮能。安貧樂潛。味道守真。不爲燥溼輕重。方之于邕。以齒則長。以德則賢。必欲邕之備員。無乃誤矣夫。

遺申屠蟠

黃忠

昔人之隱。遭時則放聲滅跡。巢棲茹薇。其不遇也。則裸身大笑。被髮狂歌。今先生處平壤。游人間。吟典籍。襲衣裳。事異昔人。而欲夙蹈其迹。不亦難乎。孔氏可師。何必首陽。

與弟固

李固

固今年五十有七。鬢髮已白。所謂容身而游。滿腹而去。周觀天下。獨未見益州耳。昔嚴夫子嘗言。經有五。涉其四。州有九。遊其八。欲類此子矣。

與兄子

趙嘉

大丈夫遁無箕山之操。仕無伊呂之勳。天不我與。復何言哉。可立一圓石于吾墓門側。刻曰。漢有逸民。姓趙名嘉。有志無時。命也奈何。

與竇玄

竇玄妻

棄妻斥女。敬白竇生。卑賤鄙陋。不如貴人。妾日以遠。彼日以親。何所控訴。仰呼蒼天。悲哉竇生。衣不厭新。人不厭故。悲不可忍。怨不可去。彼獨

何人而居我處。恐故夫稱生自竇玄妻始故妻

稱姊自王子敬始

報妻

秦人嘉

車還空返甚失所望兼敘遠別悵悵之情顧有
悵然間得此鏡既明且好形觀文彩世所希有
意甚愛之故以相與并寶釵一雙好香四種素
琴一張常所自彈明鏡可以鑑形寶釵可以耀
首芳香可以馥身素琴可以娛耳

報嘉

徐淑

既惠音令兼賜諸物厚碩殷勤出于非望鏡有
文彩之麗釵有殊異之觀芳香既珍素琴益好
惠異物于鄙陋割所珍以相賜非豐厚之恩孰
肯若斯覽鏡執釵情想彷彿操琴詠詩思心成
結敕以芳香馥身喻以明鏡鑑形斯言過矣未
獲我心也昔詩人有飛蓬之感班婕妤有誰榮
之歎素琴之作當須君歸明鏡之鑑當待君還

未睹光儀。則寶釵不列也。未侍帷帳。則芳香不發也。史稱淑動合禮儀。言成規矩。後嘉死。不嫁。毀形傷生。良足徵矣。

寄子元珪季珪

杜泰姬

中人情性。可上下也。在其檢耳。若放而不檢。則入惡也。昔西門豹佩韋以自寬。宓子賤帶弦以自急。故能改身之恒。爲天下名士。

與高文惠

文惠妻

今奉織成襪一量。願著之。動與福并。

與邴原

孔融

王室多難。西遷鎬京。聖朝勞謙。疇咨俊乂。我徂求定。冊命懇切。國之將隕。嫠不卹緯。家之將亡。緹縈跋涉。彼匹婦也。猶執此義。實望根矩。仁爲已任。授手援溺。乃或宴宴居息。謂之君子。固如此乎。根矩根矩。可以來矣。

戒子

司馬徽

聞汝充役，室如懸磬，何以自辦。論德則吾薄，說居則吾貧，勿以薄而志不壯，貧而行不高也。

三國

荅孫權

蜀漢昭烈

備與璋託爲宗室，冀憑英靈，以匡漢朝。今璋得罪左右，備獨竦懼，非所敢聞，願加寬貸。若不獲請，備當散髮歸于山林。

與關雲長

諸葛武侯

孟起兼資文武，雄猛過人，一世之烈，黥彭之徒，當與翼德並驅爭先。未若髯公絕倫逸羣也。

孟起，馬超字。

與兄瑾

殷往嗣，秀才之僑，胗者也。東吳菰蘆中，乃有奇偉如此人。

往嗣，名禮，僑，子產，名胗，叔向名。

又

瞻今已八歲，聰慧可愛，嫌其早成，不爲重器。

與留府長史參軍

姜伯約忠勤時事。思慮精密。考其所有。永南季常諸人。不如也。其人涼州上士也。
伯約維字

季常馬良字

與蔣琬

孝起前為吾說。正方腹中有鱗甲。鄉黨以為不可近。吾謂鱗甲者。但不當犯之耳。不圖復有蘇張之事也。
李嚴勸孔明宜受九錫。故比蘇秦

張儀惡之也

與張魯

靈仙養命。猶節松霞。而享身嗜味。奚能尚道。

與陸遜

家兄年老而格性疎。今使典糧穀。糧穀軍之要最。僕雖在遠。竊用不安。足下特為啓至尊轉之。

與張裔

去婦不顧門。萎韭不入園。以婦人之性。草萊之

情○猶○有○所○恥○想○忠○壯○者○意○何○所○之○

與杜微

曹○丕○篡○弒○自○立○爲○帝○是○猶○土○龍○芻○狗○之○有○名○也○
欲○與○羣○賢○以○正○滅○之○怪○君○未○有○相○誨○便○欲○求○還○
山○野○

誠外甥

夫○志○當○存○高○遠○慕○先○賢○絕○情○欲○棄○凝○滯○使○庶○幾○
之○性○揭○然○有○所○存○惻○然○有○所○感○忍○屈○伸○去○細○碎○
廣○咨○問○除○嫌○吝○何○損○于○美○趣○何○患○于○不○濟○若○志○
不○強○毅○意○不○慷○慨○徒○碌○碌○滯○于○俗○默○默○束○于○情○
永○竄○伏○于○凡○庸○不○免○于○下○流○矣○

誠子

夫○君○子○之○行○靜○以○修○身○儉○以○養○德○非○澹○泊○無○以○
明○志○非○寧○靜○無○以○致○遠○夫○學○須○靜○也○才○須○學○也○
非○學○無○以○廣○才○非○靜○無○以○成○學○惰○慢○則○不○能○研○
精○險○躁○則○不○能○理○性○年○與○時○馳○意○與○歲○去○遂○成○

古今隨命通
枯落悲嘆窮廬將復何及

報曹操

漢壽亭侯

明公布大義于天下而速取自樹非某之所敢知君猶是漢也某敢不臣漢哉敢拜嘉命之辱

謝操

某聞主憂臣辱主辱臣死曩所以不死欲得故主之音問耳今故主已在河北此心飛越神已先馳惟明公幸少矜之千里追隨當不計利害謀生死也子女玉帛之貺勒之寸丹他日幸以旗鼓相當退俟三舍意者亦欲如重耳之事秦繆者乎某謝

辭操

竊以日在天之上心在人之内日在天之上普照萬方心在人之内以表丹誠丹誠者信義也某昔受降之日有言曰主亡則輔主存則歸新受曹公之寵顧久蒙劉主之恩光丞相新恩劉

古今圖會通
公舊義恩有所報。義無所斷。今主之耗。某已知之。望形立像。覓跡求功。刺顏良于白馬。誅文丑于南波。丞相厚恩。滿有所報。每留所賜之資。盡在府庫封緘。伏望台慈。俯垂照鑒。某再拜。

荅張文遠

魯仲連東海匹夫耳。爲齊下士。然且恥不帝秦。職爲通侯。列漢元宰。獨可使負漢邪。子且休。

代諸葛亮與孫權

馬良

寡君遣掾馬良。通聘繼好。以紹昆吾豕韋之勳。其人吉士。荆楚之令。鮮于造次之華。而有克終之美。願降心有納。以慰將命。
按禰正平爲黃

祖作書。輕重疎密。各得體宜。祖曰。處士正得祖意。此言人所欲言之意。于所不能言者。馬季良聘吳。乞孔明遺書。仲謀孔明令自爲之。書成而孔明不能易也。此言人所欲言未言之意者。

與諸大夫

曹操

伯喈有絕世之才，而死非其罪，孤每為撫心之
才之美。顧可使無後邪？聞有女在胡，聰明才辨，
班大家之流亞也。當不惜千金致之。贖琰回。

重嫁于董祀。

與所親

張裔

近者涉道，晝夜接賓，不得休息。人自敬丞相長
史。男子張君嗣附之，疲倦欲死。君嗣為留府

長史，故有是言。

臨終與孔明

馬謖

明公視謖猶子，謖視明公猶父。願深惟殛，絲用
禹之義，使平生之交，不虧于此。謖雖死，無恨于
黃壤也。

與蜀太守王商

宋仲子

文休，個儻瑰偉，有當世之具，足下當以為指南。

文休，謂許靖。

與秦宓

王商

貧賤困苦亦何時可以終身。卞和銜玉以耀世，宜一來與州尊相見。此書庸鄙，因下荅書，姑

錄之。

荅王商

秦宓

以國君之賢，子爲良輔，不以是時建蕭張之業，未足多也。僕得曝背乎隴畝之中，誦顏氏之箴，瓢詠原憲之蓬戶，時翱翔于林澤，與沮溺之等儔，聽玄猿之悲吟，察鶴鳴于九皋，安身爲樂，無憂爲福，處空虛之名，居不靈之龜，知我者希，則我貴矣。斯乃僕得志之秋也，何困苦之戚焉。

又

疾病伏匿，甫知足下爲莊李立祠，可謂厚黨勤類者也。楊子雲潛心著述，有補于世，泥蟠不滓，行參聖師。于今海內談詠厥辭，邦有斯人，以耀四遠。蜀本無學士，文翁遣相如東受七經，還教

吏民于是蜀學比于齊魯。故地里志曰：文翁倡其教，相如爲之師。漢家得士，盛于其世。仲舒之徒，不達封禪，相如制其禮。夫能制禮造樂，移風易俗，非禮所秩有益于世者乎？雖有王孫之累，猶孔子大齊桓之霸。公羊賢叔術之讓，僕亦善長卿之化。宜立祠堂，速定其銘。

與後主書

姜維

願陛下忍數日之辱，臣欲使社稷危而復安，日月幽而復明。

與鍾繇九日送菊

魏文帝

歲往月來，忽復九月九日。九爲陽數，而日月並應。俗嘉其名，以爲宜于長久，故以享宴高會。是月律中無射，言羣木庶草無有射地而生。惟芳菊紛然獨菲，非夫含乾坤之純和，體芬芳之淑氣，孰能如此。故屈平悲冉冉之將老，思餐秋菊之落英。輔體延年，莫斯之貴。謹奉一束，以助彭

祖之術。

與諸葛孔明

司馬仲達

黃公衡快士也。每歎述足下不去口實。黃權

字公衡

與山濤

司馬子上

足下在事清明。雅操邁時。念多所乏。今致錢二十萬。穀二萬斛。

謝柰

曹植

柰以夜熟。今則冬生。物以非時為珍。恩以絕日為厚。

荅司馬懿

魏田豫

年過七十。而以居位。譬如鐘鳴漏盡。而夜行不休。是罪人也。

謝魏王

劉廙

臣罪應傾宗。禍應覆族。遭乾坤之靈。值時來之運。揚湯止沸。使不焦爛。起烟于寒灰之上。生華

于已枯之木。物不荅。施于天地。子不謝。生于父。母。可以死効。難用筆陳。

上父王

張就

大人率厲燉煌。忠義顯然。豈以就在困厄之中。而替之哉。昔樂羊食子。李通覆家。報國之臣。寧懷妻孥。耶。今大軍垂至。但當促兵以犄之耳。願不以下流之愛。使就有恨于黃壤也。

荅韓文憲

應璩

昔公孫弘皓首入學。顏涿五十始陟師門。朝聞夕隕。聖人所道。足下之年。甫在不惑。加以學藝。何晚之有。若能上追南榮。忘食之樂。下踵寧子。里夜之勤。窮文盡義。無微不綜。視富貴之榮。取金紫之爵。是夏侯勝拾芥之謂也。

與曹昭伯

空城寥廓。所聞者悲風。所見者烏雀。損書及遠。若從雲墜。

與曹孟德

吳孫權

春水方生。公宜速去。別紙。足下不死。孤不得

安。曹曰。權不欺孤。乃還。

與孔融

張紘

虞仲翔前頗為論者所侵。美玉瑯磨。益光。不足

以損。

仲翔翻字。

與弟

虞翻

長子容當為求婦。遠求小姓。足使生子。天其福。

人不在貴族。芝草無根。醴泉無源。

與客

僕聞琥珀不取腐芥。磁石不受曲鍼。過而不存。

不亦宜乎。翻年十二。客候其兄。不遇。翻追與

書。

與人

此中小兒。年四歲矣。似欲聰哲。雖鰕不生。鯉子。此子似之。欲為求婦。不知所向。君為訪之。勿怪。

老癡譽此兒也。

與滕胤

聶友

當人彊盛。河山可拔。一朝羸縮。人情萬端。言之悲嘆。謂諸葛恪。

醴梅帖

皇象

歸想必醉。令醴梅羹。毛以相待。

與友人論草書

欲見草書。宜得精毫。菟筆委曲。宛轉不叛散者。

紙當得滑密。不粘污者。墨又須多膠。紺黝者。如逸豫之餘。手調適。而心佳。娛可以小展。

臨終與孫權

周瑜

修短命矣。誠不足惜。但恨微志未展。不復奉教命耳。方今曹操在北。疆場未靖。劉備寄寓。有似養虎。天下之事。未知終始。此朝士盱食之秋。至尊乘慮之日也。魯肅忠烈。臨事不苟。可以代瑜。儻所言可采。瑜死不朽矣。

垂慮

與漢昭烈

魯 肅

龐士元非百里才也。使處治中別駕之任。始當展其驥足耳。
士元、龐統字。

與全琮

陸 遜

子弟苟有才。不憂不用。不宜私出。以要榮利。若其不佳。終為取禍。

誠子

杜 恕

張子臺視之似鄙朴人。然其心中。不知天地間何者美好。作人如此。自可不富貴。然患禍當何從而來。

與兄

陸 景

自尋外役。出入三年。緣兄之篤睦。必時存之。寶錄兄書。積之盈笥。不得新命。無以自慰。時輒溫故。以釋其私。有信勿忘數字。每見兄書。如復暫面。

古今辭命達卷一終

古今辭命達卷二

內江 范文艾 訂定

海陽 胡正心 纂輯

胡正行 參較

晉

與諸葛恢 明 帝

今送犀導小物耳、然是情發于中、而寄乎物、

導、燾同、簪屬、

與江統

司馬越

昔王子師為豫州、未下車、辟荀慈明、下車、辟孔文舉、貴州人士、有堪應此者、不

與弟

羊祜

既定戎事、當角巾東路、歸故里、為容棺之墟、以白士而居重位、何能不以盛滿受責乎、二疏是吾師也。

與從子預

杜有道妻

諺云、忍辱至三公、卿今可謂辱矣、能忍之、公是卿坐。

答吳國

鈕滔母

胡桃、本生西羌、外剛、樸內柔、甘質如古賢、欲以奉貢、

與妹劉氏、

見偉方所作先君誄、其述詠勳德、則仁風靡墜、其言情訴哀、則孝心以敘、執誄反覆、感賴交集、

輒不自量。有疑一言。畧陳所懷。庶備起予。先君
既體弘仁義。又動則聖檢。道長祚短。時乏識真。
榮位未登。高志不遂。本不標方外蹟者也。老莊
者。絕聖棄智。渾齊萬物。等貴賤。忘哀樂。非經典
所貴。名教所取。何必輒引以爲喻也。可共詳之。

與兄弟

女淑

夙遘禍罰。喪其所天。男弱未冠。女幼未笄。是以
僬俛求生。長育二子。上奉祖宗之祀。下繼祖禰
之體。然後覲于黃泉。永無慙色。仁兄德弟。旣不
能厲高節于弱志。發明明于闇昧。許我他人。逼
我干上。晏嬰不以白刃臨頭。改正直之辭。梁寡
不以毀形之痛。忘執節之義。高山景行。豈不思
齊。兄弟備託學門。不能匡我以道。雖曰旣學。吾
謂之未也。

與石勒

劉琨

將軍用兵如神。所以周流天下。而無容足之地。

者蓋得主則爲義兵。附逆則爲賊衆。故也。成敗之數。有似呼吸。吹之則寒。噓之則溫。今相授侍中。領護匈奴中郎將。將軍其受之也。

與親故

吾枕戈待旦。志梟逆虜。恒恐祖生先吾著鞭。

荅劉琨

石勒

事功殊途。非腐儒所聞。君當逞節。本朝吾自夷難爲效。
夷平也。

與祖逖

天下之惡一也。叛臣逃吏。吾之深仇。將軍之惡。猶吾惡也。

薦傅長虞

孫楚

騏驥不遺能于伯樂。良寶不藏耀于卞和。是以輝光夜射。價連秦趙。飛駟絕影。終朝千里。物尚有之。士亦宜然。

與兄機

陸雲

古今醫案通
兵真凶事。生來初不見習。頃觀之。正自使人意惡。

責子

陶侃母湛氏

汝爲吏。以官物見餉。非惟不能益吾。反以增吾憂也。

與王導

陶侃

郭默殺方州。卽用爲方州。害宰相。便爲宰相乎。

王導之舉措如此。與唐之盧杞李輔國何異。

史之溢美多矣。其曰江左夷吾。子孫粉飾之。

辭耳。

荅庾亮

賞罰黜陟。國之大信。切怪矯然。獨爲君子。謂

亮辭爵賞。

與荀崧

杜曾凶狡。所將之卒。皆豺狼也。可謂鴟梟食母之物。此人不死。州士未寧。足下當識吾言。

荅甘卓

兵○貴○拙○速○未○睹○工○遲○

與顧榮時齊王冏辟翰為掾 張翰

天下紛紛未已。夫有四海之名者。求退良難。吾
本山林間人。無望于時久矣。子善以明防前。以
智慮後。

與國臣 衛瓘女

先公名謚未顯。無異凡人。每怪一國。蔑然無言。

春秋之失。其咎安在。悲憤感慨。故以示意。 楚

王瑋之亂。榮晦收殺瓘。及子孫共九人。瓘女
為此書貽劉繇等。因訟瓘冤。追謚曰成。

報孔垣 庾亮

得八月十五日報。知疾患轉篤。遂不起濟。悲恨
傷楚。不能自持。吾以寡乏。忝當大任。國耻未雪。
夙夜憂憤。常欲足下同在外藩。戮力時事。此情
未果。來書奄至。申尋往復。不覺涕隕。深明足下

慷慨之懷。深痛足下不遂之志。邈然永隔。夫復何言。

與王導

陳頽

開國承家。小人勿用。公仗德義以尹天下。方將澄清彝倫。崇重名器。夫軍國殊用。文武異容。豈可令涇渭混流。虧清穆之風。何以允荅具瞻。儀形海內。

與支遁

謝安

思君日積。計辰傾遲。知欲還剡。自治甚以悵然。人生如寄耳。頃風流得意之事。殆爲都盡。終日蹙蹙。觸事惆悵。唯遲君來。以晤言消之。一日當千載耳。此多山水。山縣閒靜。差可養疾。事不異剡。而醫藥不同。必思此緣。副其積想也。

與子

陶潛

少來好書。偶愛閒靜。開卷有得。便欣然忘食。見樹木交蔭。時鳥變聲。亦復歡然有喜。嘗于五六

月中北窗下臥。遇涼風。慙至。自謂是羲皇上人。
又
汝旦夕之費。自給爲難。今遣此力助汝薪水之
勞。亦人子也。可善遇之。

與桓秘

習鑿齒

吾以去年五月三日。來達襄陽。觸目悲感。故非
盡言之。書所能具也。每定省家舅。從北門入。西
望隆中。想臥龍之吟。東眺白沙。思鳳雛之聲。北
臨樊墟。存鄧老之高。南睠城邑。懷楊公之風。縱
目檀溪。念崔徐之友。肆睇漁梁。追舊德之遠。未
嘗不徘徊移日。惆悵極多。撫乘踟躕。慨爾而泣。

荅郝超

道安

損米。彌覺有待之爲煩。
超餉米千斛。

奏記詣蔣公
阮籍

籍死罪。死罪。伏惟明公。以含一之德。據上台之
位。羣英翹首。俊賢抗足。開府之日。人人自以爲。

搽屬辟書始下。下走爲首。子夏處西河之上。而文侯擁篲。鄒子居黍谷之陰。而昭王陪乘。夫布衣窮居韋帶之士。王公大人所以屈體而下之者。爲道存也。籍元鄒卜之德。而有其陋。猥煩大禮。何以當之。方將畊于東臯之陽。輸黍稷之稅。以避當塗者之路。負薪疲病。足力不彊。補吏之日。非所克堪。乞廻謬恩。以光清舉。

與王逸少

殷浩

足下出處正。與隆替對。豈可以一世之存亡。必從足下從容之適。

荅殷浩

王羲之

吾素志無廊廟。王丞相欲內吾。誓不許之。手迹猶存。由來尚矣。不于足下。叅政而方進退。自兒婚女嫁。便懷尚子平之志。數與親知言之。非一日也。

與殷浩

古今圖會通
知安西敗喪。公私惋怛。不能須臾去懷。以區區江左所營綜如此。天下寒心。固以久矣。而加之敗喪。此可熟念。願思弘將來。今天下寄命有所。自寇亂以來。處內外之任者。疲竭根本。各從所志。竟無一功。可論一事。可紀任其事者。豈得辭四海之責哉。若猶以前事爲未工。復求之于分外。宇宙雖廣。何所自容。殷北伐旣敗。復謀再

奉故止之。

與吏部郎謝萬

古之辭世者。或被髮佯狂。或汗身穢跡。可謂艱矣。今僕坐而獲逸。遂其宿心。其爲慶幸。豈非天賜。違天不祥。頃東遊還。修植桑果。今盛敷榮。率諸子抱弱孫。遊觀其間。有一味之甘。割而分之。以娛目前。雖植行無殊邈。猶欲教養子孫。以敦厚退讓。或有輕薄。庶令舉策數馬。彷彿萬石之風。君謂此何如。比常與安石東遊山海。并行田。

視地利。願養閒適。衣食之餘。欲與親知時共。懽雖不能興言高詠。銜杯引滿。語田里所行。故以爲撫掌之資。其爲得意。可勝言耶。嘗依陸賈。班嗣。楊王孫之處世。甚欲希風。數子。老夫志願盡于此也。

又

以君邁往。不屑之韻。而俯同羣卒。誠難爲意也。然所謂通識。正自當隨事行藏。乃爲遠耳。願君每與士之下者同。則盡善矣。食不二味。居不重席。此復何有。而古人以爲美談。成否所由。實在積小。以致高大。君其存之。

與周益州周名撫爲太守有惠政

想足下鎮彼土。未有動理耳。欲及卿在彼。登汶嶺。峨眉而旋。實不朽之盛事。但言此心。以馳于彼矣。汶嶺卽岷嶺。

又

足下今年政七十耶。知體氣常佳。此大慶也。想復懃加頤養。吾年垂耳順。推之人理。得爾以爲厚幸。但恐前路轉欲逼耳。以爾要欲一游目汶領。足下但當保護。以俟此期。勿謂虛言。得果此緣一段奇事也。

荅周益州

去夏得足下致邛竹杖。皆至此。土人多有尊老者。皆卽分布。令知足下遠惠之至。

送邛竹杖

周益州送此邛竹杖。鄉尊老。或須今送。

石脾

石脾入水卽乾。出水便溼。獨活有風不動。無風獨搖。天下物理豈可以意求。唯上聖乃能窮理。

問行帖

無名氏

天氣且未佳。汝定成行否。寒食近。得且住爲佳耳。

與兄子猷

王獻之

鏡湖澄澈，清流瀉注，山川之美，使人應接不暇。

荅索商

張天錫

吾非好行，行有得也。觀朝榮，則敬才秀之士；玩芝蘭，則愛德行之臣；睹松竹，則思貞操之賢；臨清流，則貴廉潔之行；覽蔓草，則賤貪穢之吏；逢颯風，則惡凶狡之徒；若引而伸之，觸類而長之，庶無遺漏矣。

與道明

袁粲

頻見亮公，非常人也。比日聞所未聞，不覺歲之將暮。珠生合浦，魏人取以照車；璧在邯鄲，秦王請以華國。天下之寶，當與天下共之。非復上人貴州所宜專也。

六朝

與宋高祖

劉柳

處士鴈門周續之，清真貞素，思學鈎深，弱冠獨

往心無近事。性之所遣。榮華與饑寒俱落。情之所慕。巖澤與琴書共遠。加以仁心內發。義懷外亮。留愛昆卉。誠著桃李。若升之宰府。必鼎味斯和。濯纓儒冠。亦王猷遐緝。願照其丹款。

與王玄謨

劉義恭

聞因敗爲成。臂上金瘡。得非金印之徵也。

與弟

謝靈運

聞惡道溪中。九十九里有五十九灘。王右軍遊

此惡道。歎其奇絕。遂書突星瀨于石。

李白詩

遠尋惡溪去。不憚惡溪惡。途傳李北海。灘聞

謝康樂。當以此書入注。乃見其事。

荅辛中舍

法琳

乍覽瓊章。用祛痼疾。徘徊吟諷。循環卷舒。蘊蓄懷袖。不覺紙勞。字故。

理彭城王上文帝

扶令

昔袁盎諫漢文帝曰。淮南王若道路遇霜露死。

陛下有殺弟之名。文帝不用，追悔無及。彭城王義康，先朝之愛子。陛下之次弟。若有迷謬之愆，正可數之以善惡，導之以義方。奈何信疑似之隙，一旦黜削，遠送南垂，草萊黔首，皆爲陛下痛之。恐義康年窮命盡，奄忽于南，臣雖微賤，竊爲陛下羞之。陛下徒知惡枝之宜伐，豈知伐枝之傷樹。伏願亟召義康，返于京甸，兄弟協和，君臣輯睦，則四海之望塞，多言之路絕矣。何必司徒

公揚州牧，然後可以置彭城王哉。

與江湛

王微

君平云：生我名者，殺我身。夫爵且猶滅名，安用吏部郎邪。其舉可陋，其事不經，非獨縉紳不道，僕妾皆將笑之。忽忽不樂，自知壽不得長。且使千載知弟不詐，諼耳。

賜張融

齊高祖

見卿衣服粗故，誠乃素懷。過爾藍縷，亦虧朝望。

今送一通故本。意謂雖故乃勝襍也。是吾所著。已令裁減。稱卿之體。并履一量。

辭饋遺

江革

我通不受餉。不容獨當故人筐篚。

荅王僧虔

蕭子良

子邑之紙。妍妙輝光。仲將之墨。一點如漆。伯英之筆。窮神盡意。妙物遠矣。邈不可追。

與劉孝標

劉之遴

間聞足下作類苑。括總百家。馳騁千載。義以類聚。事以羣分。述作之妙。揚班儔也。擅此博物。何快如之。吾聞爲之者勞。觀之者逸。足下已勞于精力。宜令吾見異書。

荅吳興守張永

沈麟士

明府德履冲素。留心山谷。民是以被褐負杖。忘其疲病。必欲飾混沌以蛾眉。冠越客于蟬冕。走雖不敏。請附高節。有蹈東海而死耳。未忍受此。

黥劓。

與寧文泰

賀拔勝

勝萬里杖策歸身闕庭。冀與公掃除敵寇。不幸
殞斃。微志不伸。若死有知。猶望魂飛賊庭。以報
國恩耳。

遺張融

陸靜修

此既異物。以奉異人。

融有早譽。陸以白鷺羽

塵尾扇遺之。故云。

與從叔永

張融

昔求三吳一丞。雖屬舛錯。今聞南康闕守。願得
之。融不知階級。階級亦可不知融。政以求丞不
得。所以求郡。求郡不得。亦可復求丞。

臨終戒子

吾生平所善。自當凌雲一咲。三千買棺。無製新
衾。左手執孝經。老子。右手執小品法華經。以吾
平生諷調。何至使婦人行哭失聲。不須暫停閨

閣。

荅魚復侯

宗測

少有狂疾。尋山採藥。遠來至此。量腹而進。松朮。度形而衣。薜蘿澹然已足。豈容當此橫施。

與王僧虔

檀珪

經涉五朔。踰歷四晦。書牘十二。接覲六七。遂不荷潤。反更曝腮。蟬腹龜腸。為日已久。饑虎能噬。人遽與肉。饑麟不噬。誰肯落毛。

戒子

徐勉

吾清明門宅。西邊施宣武寺。不復方幅。意謂亦逆旅舍耳。何事須華。怪時人謂是我宅。古往今來。豪貴繼踵。死其死矣。竟是誰室。

上梁武帝

傅大士

雙林樹下。當未解脫。善慧大士。白國主救世菩薩。今欲修上中下善。希能受持。其上善略以虛懷為本。不著為宗。亡相為因。涅槃為果。其中善

略以治身爲本。治國爲宗。天上人間。果報安樂。其下善略以護養衆生。勝殘去殺。普令百姓。俱稟六齋。今聞皇帝崇法。欲伸論義。未遂襟懷。故遣弟子傅晔馳書。

與從兄

陶弘景

仕宦四十左右。作尚書郎。卽抽簪高邁。今三十六。方作奉朝請。頭顱可知。不如早去。

答趙英才

予架書區中。飛才甸外。不肯掃門覓仕。復懶彈鋏求通。故偃蹇園巷。從容郊邑。巖下鄙人。守一介之志。非敢蔑榮嗤俗。自致雲霞。蓋任性靈。而直往。保無用以得閒。壠薪井汲。樂有餘歡。切松煮木。此外何務。然亦以天地棟宇。萬物同于一化。死生善惡。未之能聞。

答謝中書

山川之美。古今共談。高峯入雲。清流見底。兩岸

石壁五色交輝。青林翠竹。四時俱備。曉霧將歇。猿鳥亂鳴。夕日欲頽。沉鱗競躍。實是欲界之仙。都自康樂以來。未復有與其奇者。

與朱元思

吳均

自富陽至桐廬一百許里。水皆縹碧。千丈見底。游魚細石。直視無礙。急湍甚箭。猛浪若奔。夾峯高山。皆生寒樹。負勢競上。互相軒邈。爭高直指。十百成峰。泉水激石。泠泠作響。好鳥相鳴。嚶嚶成韻。經綸昔務。咸窺谷忘返矣。

與何炯

劉孝標

訐超越俗。如半天朱霞。歛矯矯出塵。如雲中白鶴。皆儉歲之梁稷。寒年之織纊。訐歛乃標

兄弟

遺郎基

潘子義

在官寫書。亦是風流罪過。

郎荅曰。觀過知仁。

斯亦可矣。

謝趙王賚雉

庾信

仰費中厨來供下客。山川道遠，口腹知恩。

與玄覺大師

朗禪師

自到靈溪，泰然心意。高低峰頂，振錫常遊。石室巖龕，拂巾宴坐。青松碧沼，明月自生。風掃白雲，縱目千里。名花異果，蜂鳥銜將。猿嘯長吟，遠近皆聽。鋤頭當枕，細草爲氈。世上崢嶸，競爭人我。心地未達，方乃如斯。

唐

與博昌父老

駱賓王

今西成有歲，東戶無爲。野老清談，恬然自得。田家濁酒，樂以忘憂。故可洽賞當年，相歡卒歲。寧復惠存舊好，追思昔游。風月虛心，形留神往。山川在目，室邇人遐。以此懷勞，增其嘆息。

招裴廸秀才

王維

近牖月下，景氣和暢。故山殊可過，足下方溫經。

猥不敢相煩。輒獨往山中。憇感配寺。與山僧飯
訖而去。北涉玄灞。清月映郭。夜登華子岡。輞水
淪漣。與月上下。寒山遠火。明滅林外。深巷犬吠
聲如豹。村墟夜舂。復與疎鐘相聞。此時獨坐。僮
僕靜默。多思曩昔。携手賦詩。步仄逕。臨清流也。
當待春中。卉木蔓發。春山可望。輕儵出水。白鷗
矯翼。露溼青臯。麥隴朝雊。斯之不遠。倘能從我
遊乎。非子天機。清朗者。豈能以此不急之務。相

邀。然是中有深趣矣。無忽。因馱黃蘗人往。不一

與馮宿

韓愈

楊子雲著太玄。人皆咲之。子雲曰。世不我知。無
害也。後世復有楊子雲。必好之矣。子雲死。近千
載。竟未有楊子雲。可嘆也。

與崔羣

僕自小至今。從事于往還朋友間。一十七年矣。
所與交往相識者。千百人。非不多。其相與如骨

肉兄弟者亦且不少。至于心所仰服考之言行而無瑕尤窺之閭奧而不見畛域明白淳粹輝光日新者惟吾崔君一人耳。

荅楊子

朋友之中所敬信者惟孟東野吃吃說足下不離口。崔敦詩每每說人物亦以足下爲處子之秀。近又得李七翔書亦云足下之文遠過其兄甚。夫以東野之賢其言固足信矣。况又崔李繼至而交說乎。

應科舉與人

天地之濱大江之濱有怪物焉蓋非常鱗凡介之品彙匹儔也。其得水變化風雨上下于天。不難也。其不及水蓋尋常尺寸之間耳。無高山大陵曠遠絕險爲之間隔也。然其窮涸不能自致乎水爲獷獺之笑者蓋十八九矣。如有力者哀其窮而運轉之蓋一舉手一投足之勞也。然是

物也。負其異于衆也。且曰爛死于泥沙。吾寧樂之。若俛首帖耳。搖尾而乞憐者。非我之志也。是以有力者遇之。熟視之。若無睹也。其死其生。固不可知也。今又有有力者當其前矣。聊試仰首一鳴號焉。庸詎知有力者不哀其窮而忘一舉手一投足之勞。而轉之清波乎。其哀之命也。其不哀之命也。知其在命。而且鳴號之者。亦命也。愈今者寔類于是。是以忘其踈愚之臯。而有是說焉。閣下其亦憐答之。

與蕭俛二

柳宗元

讒語轉侈。囂囂訛訛。漸成狂人。飾智求仕者。更詈僕以悅讐人之心。倘因賊平。慶賞之餘。得以見白。使受天澤餘潤。雖朽枿敗腐。不能生植。猶足蒸出芝菌。以爲瑞物。

與孟簡

吳武陵

古今辭命選
古稱一世三十年。子厚謫已十二年。殆半世矣。
霆。砰。電。射。天。怒。也。不。能。終。朝。安。有。聖。人。在。上。畢。
世。而。怒。人。臣。耶。

唐因 荅刺史杜之松 詩 以 良 白 對 受 王 勳 勳

承欲相招講禮。聞命驚笑。不能已已。豈明公前
眷。或徒與下走相知不熟也。下走意疎體放。抑
有繇焉。兼棄俗遺名。爲日久矣。淵明對酒。非復
禮義能拘。叔夜携琴。唯以烟霞自適。登山臨水。
邈矣忘歸。談虛語玄。忽焉終夜。僻居南渚。時來
北山。兄弟以俗外相期。鄉間以狂生見待。歌去
來之作。不覺情親。詠招飲之詩。惟憂句盡。惟天
席地友。月交風。新年則柏葉爲尊。仲秋則菊花
盈把。羅合宅內。自有幽蘭數叢。孫楚庭前。空對
長松一樹。高吟朗嘯。挈榼提壺。直與同志者爲
羣。不知老之將至。欲令復整理簪屨。修束精神。
揖讓邦君之門。低昂刺史之坐。遠談糟粕。近棄

古今辭命選
醇醪必不能矣。亦將恐芻狗貽夢。社櫟見嘲。去矣。君侯無落吾事。

荅王績

杜之松

辱書。知不降顧。歎恨何已。僕幸恃故情。庶迴高躅。豈意康成道重。不許太守稱官。老萊家貧。羞與諸侯爲友。延佇不獲。如何如何。敬想結廬人境。植杖山阿。林壑地之所豐。烟霞性之所適。蔭丹桂。藉白茅。濁酒一杯。清琴數弄。誠足樂也。

與祖評事

任華

見賢良。則引而薦之。勿憚勿疑。見仇怨。則報之以德。勿瑕勿疵。吾嘗以此爲終身之寶。今以終身之寶。贈君。

與王及

元結

人生若不能師表朝廷。卽當老死山谷。彼區區于財貨之末。局局于權勢之門。縱得鍾鼎。亦胡顏受納。

與友論養生

張說

節○飲○食○以○養○其○體○節○嗜○慾○定○心○氣○午○後○飲○食○宜○
少○不○以○脾○胃○熟○生○物○煖○冷○物○不○以○元○氣○佐○喜○怒○
慾○心○一○萌○當○思○禮○義○以○制○之○夏○至○節○嗜○慾○冬○至○
禁○嗜○慾○嗜○慾○四○時○皆○損○人○但○二○至○陰○陽○分○之○時○
尤○損○人○耳○第○能○于○怒○時○遽○忘○其○怒○而○觀○理○之○是○
非○亦○可○見○外○誘○之○不○足○怒○而○于○道○思○過○半○矣○人○
能○于○病○中○移○其○心○如○對○君○父○謹○之○畏○之○靜○久○自○
愈○

寄李翱

裴中立

文○之○異○在○氣○格○高○思○致○深○不○在○磔○裂○章○句○隳○廢○
聲○韻○人○之○異○在○風○神○清○心○志○通○不○在○倒○置○眉○目○
反○易○冠○帶○

上代宗書

張巡

逆○賊○祿○山○違○逆○天○地○戮○辱○黎○獻○羶○腥○闕○廷○臣○被○
圍○七○旬○親○經○百○戰○主○辱○臣○死○是○巡○致○命○之○時○惡○

稔罪盈是賊滅亡之日。

賀安祿山死

高適

臣得河南道及諸州牒，皆言逆賊安祿山苦痛而死，手足俱落，眼鼻損壞，臣適誠懽誠喜，稽首頓首，逆賊孤負聖朝，造作氛祲，嘯聚吠堯之犬，倚賴射天之矢，臣恨不得血賊千萬戟，肉食于三軍，空隨率土之歡，遠奉九霄之慶，即當總統將士，憑恃威靈，驅未盡之犬羊，覆已亡之巢穴。

與子弟

顏真卿

吾去歲中言事得罪，以不能違道，狗時為千古罪人也。雖貶居遠方，終身不恥。汝曹當須諒吾之志，不可不守也。

與李文夫

拙于生事，舉家食粥而已。數月今又罄之，寔用

憂煎。

荅賈秀才

孫正樵

物之精華。天地所祕惜。故蒙金以砂。錮玉以璞。珊瑚之叢。必茂重溟。夜光之珍。以領驪龍。文章亦然。

甲秀堂帖

李白

夜來月下臥醒。花影零亂。滿人襟袖。疑如濯魄。于冰壺也。

荅張生

崔氏

玉環一枚。是兒嬰年所弄。寄充君子下體之佩。玉取其堅潔不移。環取其終始不絕。兼亂絲一絢。文竹茶碾子一枚。此數物不足見珍。意者欲君子如玉之貞。敝志如環不解。淚痕在竹。愁緒縈絲。因物達誠。永以爲好耳。幽憤所鍾。千里神合。春風多厲。強飯爲佳。

訓子

徐媛

兒年幾弱冠。儒恹無爲。于世情毫不諳練。深爲爾憂之。男子昂藏六尺。于二儀間。不奮發雄飛。

而挺兩翼。日淹歲月。逸居無教。與鳥獸何異。將
來奈何。爲人慎勿。令親者憐。而惡者快。兢兢業
業。無怠夙夜。臨事須外明。于理而內決。于心鑽
燧之火。可以續朝陽。揮翮之風。可以繼屏翳。物
固有下而益大。人豈無全用哉。習業當凝神。佇
思戢足。納心驚精。于千仞之巔。游心于八極之
表。濬發于巧心。攄藻如春華。應事以精。不畏不
成形。造物以神。不患不爲器。能盡我道。而聽天
命。庶不愧于父母妻子矣。循此則終身不墮淪
落。尚勉之勵之。以我言爲箴。勿憤憤于衷。毋朦
朦于志。

與元九

白居易

僕受足下詩。常欲承荅來音。累歲已來。牽故少
暇。臨紙復罷者數四。今俟罪潯陽。除盥櫛食寢
外。無餘事。因覽足下新舊文二十六軸。開卷得
意。忽如會面。心所蓄者。便欲快言。往往自疑不

古今歸何道
知相去萬里也。既而憤排之氣，思有所洩，遂追就前志，勉爲此書。足下幸試爲僕留意一省。

又

今年春游城南時，與足下馬上相戲，因各誦新艷小律，不襍他篇。自皇子陂歸昭國里，迭吟遞唱，不絕聲者二十餘里。樊李在傍，無所措口。知我者以爲詩仙，不知我者以爲詩魔。何則？勞心靈役聲氣，連朝接夕，不自知其苦。非魔而何？偶

同人當美景，或花時宴罷，或月夜酒酣，一咏一吟，不知老之將至。雖驂鸞鶴游蓬瀛者之適，無以加于此焉。又非仙而何？微之微之，此吾所以與足下外形體，脫踪跡，傲軒鼎，輕人寰者。又以此也。

又

僕去年秋始游廬山，到東西二林間，香爐峯下，見雲水泉石勝絕，因置草堂，前有喬松十數株。

修竹千竿。青蘿爲墻垣。白石爲橋道。流水周于舍下。飛泉落于簷間。紅榴白蓮。羅生池砌。每一獨往。動彌旬日。平生所好。盡在其中。不惟忘歸。可以終老。

謝友人示李陵泣別

王章

蘇武以十九年不屈于匈奴。而陵以一敗降之。可絕交矣。然歸漢之日。念陵不已。泣涕以別。武之泣其別。所以泣其降也。觀留別之詞。謂雙鳧北飛。一鳧南翔。果何繇而不翔耶。隱傷之意見矣。

遺朱全忠

劉守文

城中數萬口。不食數月矣。與其焚之爲烟。沉之爲泥。願乞所餘以救其命。

古今辭命達卷二終

古今相命盡未一絲

家

平生所好盡在其中

○然○此○願○子○祖○翁○以○殊○其○命

○湖○中○幾○萬○口○不○食○糠○且○矣○與○其○焚○之○為○獸○死○之

○武○貴○本○全○意

隆中艾

矣

北○乘○... 果○而○繼○而○不○... 意



書名	古今辭彙		
版別	明	冊數	4
議價	2500	議價章	
編號	字第	9	号

北京市圖書業同業公會印制

